

**ESTABLEZIMENDU TURISTIKO HARTZAILEEN INKESTA. APARTAMENTU TURISTIKOAK ETA OROTARAKOAK.
2020KO APIRILA**

Hotelek, landa-ostatuak eta turismo-apartamentuek ezinbesteko jarduera baino ez dute izan 2020ko apirilean Euskal AEn

Guztira 21.381 gaualdi zenbatu ziren sektorean, eta 603.142, berriz, 2019ko apirilean

SND/257/2020 Agindua, martxoaren 19koa, turismo-ostatuak establezimenduen irekiera publikoarentzat eten zuena, apirileko hilabete osoan zehar egon da indarrean. Sektorearen jarduera mugatu da, funtsean, funtsezko zerbitzu gisa zehaztutako establezimenduetara, ezarriak martxoaren 23ko TMA/277/2020 Aginduan, martxoaren 30eko TMA/305/2020 Aginduak aldatua.

COVID-19aren krisiak sektore turistikoan izan duen eragina suntsitzailea izan da. Informazio horren erabilgarritasun sozialean oinarrituta, Eustatek uste du une honetan bereziki beharrezkoa dela apirileko ostatu-jarduerari buruzko informazioa erakunde eta organismoen, ikertzaileen eta, oro har, gizartearen esku jartzea.

Hala ere, behin-behinekoa dela adierazi behar da, salbuespenezko zirkunstantzietan lortu eta tratatu baita. Horregatik, apirileko zabalkundea prentsa-ohar honetara mugatuko da oraingoz. Eragiketa honen gainerako produktuak behin betikotzat hartzen direnean zabalduko dira.

Gaualdiak eta sarrerak Euskal AEko hotel, landa ostatu eta apartamentu turistikoetan. 2020ko Apirila

	Gaualdiak		Sarrerak	
	2020/04	m/m-12 (%)	2020/04	m/m-12 (%)
EUSKAL AE	21.381	-96,5	2.273	-99,2
Estatukoak	18.304	-95,0	1.992	-98,9
Atzeritarrak	3.077	-98,7	281	-99,8
Araba/Álava	6.985	-91,5	702	-98,3
Bizkaia	6.717	-97,6	614	-99,6
Gipuzkoa	7.679	-96,9	957	-99,2

Iturria: Eustat. Establezimendu turistiko hartzaileen inkesta

Ez da inolaz ere kontuan hartu establezimendu medikalizatuen jarduera. Hileko egun batean, gutxienez, partzialki edo osoki irekita egon diren establezimenduak baino ez dira zenbatu, izaera desberdineko funtsezko langileak hartzeko, ezinbesteko arrazoi batengatik edo premia-egoera batengatik urgentziaz ostatu behar izan zuten pertsonen ostatu emateko edo, alarma-egoera deklaratzeko unean, egonkor edo aldi batean ostatu hartzen zuten bezeroak hartzeko.

2019ko apirilean erregistratutako datuekin egiten den alderaketa orok (hilabete horretan 299.687 sarrera eta 603.142 gaualdi erregistratu ziren) agerian uzten du COVID-19aren krisiak Euskal AEko ostatu-sektorean izan duen eragin izugarria. Apirileko egunen batean ateak ireki dituzten establezimenduen sarrerak 2.273 izan dira, guztira 21.381 gaualdi egin dituztenak.

Lurraldeka, Arabak 702 sarrera eta 6.985 gaualdi ditu, Bizkaiak 614 sarrera eta 6.717 gaualdi eta Gipuzkoak 957 sarrera eta 7.697 gaualdi.

Sarreraren beherakada -% 99,2koa izan da, eta gaualdiena -% 96,5ekoa, aurreko urteko hilabete berarekin alderatuta. Jatorriaren arabera sarreraren banaketa, Euskai EAE osoan, honelakoa da: Estatukoak, % 87,6; atzerrikoak, % 12,4.

Apartamentu turistikoak

Turismoko apartamentuen kasuan, 362 ostatu-unitatek jarduera motaren bat erregistratu dute apirileko egunen batean, eta 727k 2019ko apirilean. Orobat, 499 establezimendu itxita egon dira aldi osoan, eta 2019ko hilabete berean, aldiz, 49 apartamentu bakarrik izan ziren.

Jarduera duten edo itxita dauden apartamentu turistikoak. 2020ko apirila

	Euskal AE			Araba/Álava			Bizkaia			Gipuzkoa		
	2020/04	2019/04	Δ (%)	2020/04	2019/04	Δ (%)	2020/04	2019/04	Δ (%)	2020/04	2019/04	Δ (%)
Apartamentu irekiak	362	727	-50,2	159	246	-35,4	109	245	-55,5	94	236	-60,2
Apartamentu itxitak	499	49	918,4	103	5	1.960,0	201	6	3.250,0	195	38	413,2

Iturria: Eustat. Establezimendu turistiko hartzaileen inkesta

Euskal AEko apartamentu turistikoetan 576 sarrera erregistratu dira, batez beste 11,41 eguneko egonaldiarekin, eta guztira 6.570 gau eman dituzte. Iazko hilabete berean 8.184 sarrera eta 26.730 gaualdi izan ziren, 3,27 eguneko batez besteko egonaldiarekin.

Lurraldeka, Arabak 59 sarrera eta 2.807 gaualdi izan zituen, Bizkaiak 409 sarrera eta 1.942 gaualdi eta Gipuzkoak 108 sarrera eta 1.839 gaualdi. Lurraldeen arabera batez besteko egonaldietan aldeak ikusten dira; izan ere, Araban 30 egunekoa izan da, Bizkaian 4,7koa eta Gipuzkoan 17,03 egunekoa.

Gaualdiak, sarrerak eta batez besteko egonaldia Euskal AEko apartamentu turistikoetan. 2020ko Apirila

	Gaualdiak		Sarrerak		Batez besteko egonaldia	
	2020/04	m/m-12 (%)	2020/04	m/m-12 (%)	2020/04	2019/04
EUSKAL AE	6.570	-75,4	576	-93,0	11,41	3,27
Estatukoak	5.499	-69,8	520	-90,7	10,58	3,25
Atzeritarrak	1.071	-87,4	56	-97,8	19,13	3,30
ARABA/ÁLAVA	2.807	-59,4	59	-94,2	30,00	6,78
Estatukoak	2.369	-54,2	56	-93,6	30,00	5,89
Atzeritarrak	438	-74,8	3	-97,9	30,00	12,30
BIZKAIA	1.924	-81,9	409	-90,3	4,70	2,53
Estatukoak	1.699	-74,9	371	-86,5	4,58	2,46
Atzeritarrak	225	-94,2	38	-97,4	5,92	2,66
GIPUZKOA	1.839	-79,9	108	-96,3	17,03	3,11
Estatukoak	1.431	-77,2	93	-95,3	15,39	3,19
Atzeritarrak	408	-85,9	15	-98,5	27,20	2,95

Iturria: Eustat. Establezimendu turistiko hartzaileen inkesta

COVID-19AREN KRISIAK ETHI-N DUEN ERAGINARI BURUZKO OHARRA

Martxoaren 14ko 463/2020 Errege Dekretuak alarma-egoera deklaratu du **COVID-19ak** eragindako osasun-krisiaren egoera kudeatzeko.

Gerora hartutako aparteko neurrien ondorioz, turismoko establezimenduen ohiko jarduera eten egin da apiril osoan zehar. Beraz, apirileko ETHIren gaineko eragina erabatekoa izan da.

Egoera horrek ekarri du ETHI eraikitze beharrezkoa den informazioa lortzeko egindako ahalegina handitu izana, bai informazioa biltzen eta tratatzen diharduten langileen aldetik, bai, batez ere, inkestatutako establezimenduen aldetik.

Eustatek eskerrak eman nahi dizkie lagundu duten establezimendu guztiei egindako ahaleginagatik aparteko zirkunstantzia hauetan. Haiei esker, zabaldu ahal izan da hartutako neurriek sektorean izan duten eragina kuantifikatzeko aukera ematen duen informazio hau.

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1 01010 Vitoria-Gasteiz

Prensa-zerbitzua: servicioprensa@eustat.eus Tlf: 945 01 75 62